

興安縣志 目錄

卷首

上論

官階

序

卷一

目錄

原序

凡例

興安縣志

卷一

目錄

繪圖

卷二

地理志

星野

疆域

沿革

卷三

地理志

山川 形勝附



水利

卷四

地理志

津梁

關隘附

古蹟

坊表附

風俗

物產

卷五

建置志

興安縣志

卷一

目錄

城池

壇廟

公廨

試院附

寺觀

育嬰堂養濟院漏澤園附

卷六

食貨志

戶口

田賦

額徵蠲緩雜課附

倉儲



漕運 屯田附

驛鹽 驛舖附

卷七

學校志

學宮

學制 學額 學日附

書院 社學附

卷八

武備志

興安縣志

卷一

目錄

三

兵制

武事

卷九

職官志

文職

武職

名宦

卷十

選舉志



薦辟

進士

鄉舉 五貢鄉飲耆碩壽民附

仕籍 封爵封贈附

卷十一

人物志

名臣

宦業

理學

興安縣志

儒林

文苑

卷十二

人物志

忠義

孝友

善士

隱逸

方伎

卷一

目錄

四



卷十三

人物志

列女 節孝貞烈壽婦

寓賢

卷十四

藝文志

文徵 文

卷十五

藝文志

興安縣志

卷一

目錄

五

文徵 詩

金石

卷十六

雜類志

仙釋

塋墓

祥異

軼事



興安縣志原序卷一

原序

明邵伯悌

天下山川犁然縷析其間風氣漸開生齒繁盛不有以職  
長之迪教之則民獻弗興民生弗安是故經畫區分立政  
建官勢所不可以已焉者也興安故橫峯窰壤隸弋陽因  
處民遷此以陶爲業習俗剽悍不遵法度時或騷動正德  
間設府判以臨蒞而撫綏之嘉靖庚申歲當事題請議割  
上弋鉛三邑共三十里後新安江公復議請割上弋二十  
一里制曰可今劉侯以邑名興安凡可以興而安之者盡

興安縣志

卷一

原序

心力而爲之三年於茲百務具舉士丕變而民向化復見  
循良風烈矣適郡檄言茲邑不可無志侯喟然曰輿地之  
籍昉於八索厥後李吉甫作元和郡邑志謂執此可以治  
天下真名言哉乃做大明一統志例大書者八畫地分野  
作壤書賦役戶口作甸書官秩之設作職書教化之崇作  
迪書其辟舉科甲選書錄之名賢人物闡書記之文翰詞  
章藻書載之古蹟祥異葑書括之舉一邑之典章文物機  
務體要而統之八書卽八索之意詳而覈簡而該執此理  
興猶運諸掌乎雖然山川一也有稱重於天下而不朽者



存乎其人焉耳桐江有嚴子陵後名其州曰嚴以人重也魯公令中牟朱公令桐鄉迄今稱之曰魯中牟朱桐鄉是以令重也侯嚴之賢彥而著循良之績天下將指而稱之曰劉興安不與中牟桐鄉並烈也哉

原序

楊時喬

善治者師先王其不師心師心者用智智有時窮乃任法法久恒弊弊極不反民亦起而以智鬪與法競害斯成矣及其害而謂民心非昔難與理也豈其然哉師先王者觀廣谷大川異制民生其間異俗又體名山大川不以封使

## 興安縣志

卷一

原序

二

王官監治之意凡封境多山谷爲草木禽獸所產勢恒險阻而寶藏之興則利壤多水川爲龜鼉蛟龍魚鱉所產勢恒沮洳而貨財之殖則利藪勢在惟民易聚利在惟民好爭聚而爭訟訟卽師先王察其異俗也政由俗革勢則順而平之利則導而布之如不可導布斯厲之法制欲其不訟不師並生無虞此王制亦王道也是故求治不師先王而師心縱徼小績亦苟道也我江省介名山大川信爲郡鄰浙山常居土田十之七八勢險阻而銅塘以銅鐵山以鐵平洋以鑛靈山以晶稱利壤我朝郡初隸浙卽以隸



江故田賦兼則江浙乃重又利壤故嘗有聚而採者然亦以產少流徒寇爭難散屢勞興師法制始嚴至今尙賴司封守者輯甯而橫峯巖勢險阻山土可陶浙之龍泉民來據爲利已而土盡轉取他山器粗貨難乃習俗剽悍聲氣若厲而未隸上弋版圖不遵法制敢于自鬪出則協黨正嘉間恣矣省臣請銓郡倅專鎮之庚子歲祲重恣始謀建邑省上諸公案議割上弋鉛三邑共三十餘里而哀永玉之里補上饒哀貴溪之里補弋陽以前所割建萬年之里還貴溪未幾恣者已辛酉復梗議太守新安江公復議僅

# 興安縣志

## 卷一

### 原序

三

割上弋二十一里郡人欲如庚子議無言者江公夙尊禮先人以言之江公曰君遠謨敢不從第念審民非負固不服者暫假上弋兩縣漸摩仁義之友民以馴化之如峻可勿設若庚子議罷民重擾于是設邑不改都而邑立自此懲法馴化特地隘民貧不足以供賦役禮儀民亦欲勿設如江公擬者余謂是在良令節約安定之爾前年分水劉侯命此侯長于文學習于吏事踰年而群宜修諸廢興神采煥觀念新邑不可不志亟請俞于巡道房公學道沈公郡侯孫公陳公樊公遂自主畫屬邑博周君詹君邑士歐



陽君各纂訂焉工畢俾來問序乃其志凡八書書各數目  
詳夫邑所從立政所由行而禮教未孚則禮儀纖悉訓歌  
條節萃焉人物惟列嘉靖丙戌前郡乘者七以後不錄豈  
故遺哉無乃賢否不齊仕論鄉評莫掩將博書而法不得  
濫將擇書而是不能持此志家自昔稱難以鮮能公故缺  
之實慎之俟之君子可以觀世已顧余于茲邑始同根土  
今有枝幹相附之詣嘗追惟其初爲橫峯梗民者豈獨民  
亦師心者用智任術弗善馭之通觀其後爲興安馴民者  
豈獨民亦師先王者順勢利導能善馭之王道可舉而民

# 興安縣志

## 卷一

### 原序

四

心可與爲理吾因是決之也自今馴而往邑隘民貧可若  
江公議勿設乎哉竊意權不可預立志亦言邑以時勢使  
然善通變者可因則因可革則革期與民宜之誠有見之  
言哉余方在假猶縷此叙志叙志所以叙治理也

### 原序

高夢說

廣信豫章之曹滕也興安又廣信之邾莒也置縣始明嘉  
靖中迨今垂百有餘年斗大一城居民內外數十家長吏  
皆卑棲短垣晨夕食一莖菜必轉而求之他邑其餘從可  
知矣顧其文學獨不甚後於他邑其賦較他邑才什之三



催科稍峻則咸搖手曰使君繩我急若掛蒲鞭壁上則又掉臂去雖牽其衣疾呼之亦不應且其地爲由府詣省必經之道不甚僻左故邑雖小頗糾劇難治北平劉君儀寵來令興謁予於郡布衣木簡悃悞無華予卽臆決曰夫夫也必於邑宜未數月微聞君首剔胥徒奸利窟宅咸不敢飾片蹠取民間一簪又躬於署隙闢圃藝蔬不取民縷線莖稻門無襍走使勁褐溫貂皆忱惕不敢言地方事予竊意曰興令君治狀果美若是乎會予以賑饑行部入其境而田野闢及其郊而道路修至其邑而父老子弟咸相告

## 興安縣志

### 卷一

### 原序

五

曰劉使君幸活我予然後知君之治狀果信而有徵也壬子冬適奉憲檄徵志予卽下之七邑私計興立縣百年來未始有志事爲其創較他縣應倍難顧劉君書成獨先甫脫藁卽賈示余發凡起例體裁甚正屬辭甚雅凡百年內一邑之故網羅無遺予讀竟喟然嘆曰諾云有真經濟者必有真文章古人豈欺我哉予往往見登高能賦扣鉢成詩之流才非不雋而案牘全集則攢眉蹙額若難終日或肩滕筦論計量米鹽之輩事非不辦而掉鞅藝苑則摧鞠敗轅苦無良步此非二者之難兼蓋未嘗本之於儒術也



儒者湛深經術於事業文章平日講求有素則循吏儒林自可合爲一傳劉君固儒者以儒術應天下無所不濟茲編特其緒餘耳君曰此書之成強半藉手於孝廉鄭君大雅寵特一剪裁之而已鄭君工詩善屬文與予善劉君能不沒人之勞余尤嘉之時康熙十二年歲次癸丑仲春穀旦

原序

侯七乘

壬子秋予除授廣信府同知八月抵任越十月以公事往省廻道經興安興爲信州屬邑同知雖冷局亦以上司呼

興安縣志

卷一

原序

六

之而例得信宿於憲署焉入城見茂草載道巷無居人及進署又見門無板簷無瓦居無四壁斜風細雨木落天高寒蟬叫濕孤雁嘹空滿目蕭瑟之狀求一牀一几一椅一凳以共欠伸偃仰了不可得是時縣正缺人越明年新令劉君至予未暇悉其官况何似然每見予則未嘗不蹙額攢眉咄嗟感嘆也蓋極天下渺小殘破荒僻窮苦之所未有甚於興邑者矣今歲例修邑志興邑亦以志書來呈予取而觀之不覺色然喜適然訝也何則志之爲言謂其有可志而志之也興之爲邑予幾疑其無一可志矣乃他邑



有建置沿革山川輿圖以志其地也而興邑亦然他邑有風俗物產田賦戶口以志其事也而興邑亦然他邑有名宦人物流寓仙釋義夫烈婦以志其人也而興邑亦然興不居然一邑也哉孟子曰將爲君子焉將爲野人焉孔子曰君子學道則愛人小人學道則易使興之邑其地其事其人既猶然與各邑並著則目前之荒殘特甚者時也數也變也而非其常也方今天下氣運方升兵戈不作天正於上民安於下剥極而復理固應爾況又有循良之吏多方招撫吾安知此荒殘特甚者不轉而穀擊肩摩城滿煙

# 興安縣志

卷一

原序

七

火而戶滿倉庾也哉然則予何以爲興邑序哉昔日之興邑予既不能以遠言矣異日之興邑予又安能以豫言予之所言者卽此目前之所見於興邑者歟

原序

劉儀籠

國有史郡縣有志所以備記載徵信從也顧志與史不同體史載筆嚴貞淫畢載而勸懲之義俱志則錄長褒美務闡幽貞義存風勵寓懲於勸之中故曰志也者志也方志是事欲善之以有所取義作者之志也興舊無志非無志也興爲明嘉靖間增設縣山川人物備上弋志中自縣立



屬在曹檜罷於奔命百年以來生聚幾何教誨幾何夫是以寥寥焉非地限之抑亦上之人不能鼓舞作興之也舊志所載因陋就簡今奉憲檄雅意纂修特命孝廉鄭大雅領其事日夕商訂務在傳其可信欲善之以有所取義而已夫方域有常建置無定自秦分天下爲郡縣不知其幾變更有斯也甯獨興邑然乎作建置志星象懸於天而封域應之雖天官多不經語而災祥不爽省日省月亦敬天勤民者事也作分野災祥志有分土無分民畫疆而守所以定民居也作疆域志出治有堂退食有居皇華有舍城

## 興安縣志

卷一

原序

八

隍有廟社稷山川邑厲有壇下至養濟義冢各有以所謂明有人幽有神撫而泣之使天下無告者皆有依而枯骨亦有托也作公署城隍社稷各色志記曰廣谷大川異制民生其間異俗是俗也地爲之然言俗必曰風則又係乎上之化導何如耳作風俗志山川之秀鍾爲人物然文章節義之士生爲國華而地亦因以不朽也作山川坊巷橋梁志古者版籍上之天子天子拜受甸服而外粟米秬稊因之取之金玉用之泥沙不幾重困我民乎作戶口田賦徭役志山林陵麓陂池各有產足民用也而水之潤物爲



五行首蓋可忽乎哉作水利物產志厚生之後繼以正德  
化民成俗舍學蔑由文教誕敷實治天下之所不能緩也  
作學校志後又在官爲人表率桐鄉之祠千古膾炙人口  
而生於其地者百世可風豈至與草木同腐乎作秩官名  
宦鄉賢志豪傑之生出建功業史冊榮之而亦有策名天  
府表厥宅里香人齒頰者是烏可以無傳作辟舉科甲賓  
貢馳封志天地正氣賦於流形則至性懿行矯然自命有  
非稱詩說禮人所能倣者則綱常名教之重賴若人傳不  
表其行不可也作列傳峴山之石千古不磨宋玉之居只

興安縣志

卷一

原序

九

今有址高人足跡所至而地因之以傳作古跡仙釋志山  
川靈異不遇品題則頑然者石塊然者山耳有杜陵雜詩  
而秦州傳有子厚小記而鈇錡著則山水必藉乎文章也  
明矣作藝文志事跡畧於他邦而記載倣乎信史亦曰志  
也者志也方志是事欲善之以有所取義而已若以爲鋪  
張往事摭拾傳聞魚目亂珠則非予之所敢出已昔李吉  
甫作元和郡邑志謂執此可以治天下予不敢望吉甫倘  
曰執此可以治興安則予又何敢多讓焉是爲序

原序

鄭日奎



信屬邑凡七而興之建也在明嘉靖中獨爲最後邑舊有志然記載草草或失之蕪或失之畧無當大觀近值鼎革經兵火之焚蕩歷風雨蟲鼠之侵蝕版冊無完幅百餘年間事蹟荒畧莫可考矣邑侯百一劉公以燕山豪雋夙負才名來宰是邑起我蒼赤於兵殘賦劇之餘以長養之教訓之故下車未幾而風清惠浹士恬民熙語所謂期月而可亶其然乎侯復憫邑乘之殘缺思以纂修爲已任而徵志之檄適至於是乎經營伊始焉載籍可稽也則徵之文故老猶存也則考之獻更取舊志之繁者刪之闕者補之

# 興安縣志

卷

原序

十

慮其贗也則虛衷審實以要於當慮其偏也則據事取義以歸於公曾未逾月而書遂告成於是乎星野之占風雨露雷之變山川人物城郭宮室之勝甯師兵衛禮樂賦役之司人文之盛衰風俗之升降以及詞章之藻麗草木魚虫之情狀與夫仙釋神鬼靈奇恠幻一切可喜可愕之事莫不部分條注綱舉目張一邑之觀粲然大備猗歟休哉然余嘗聞之矣政澤一世教澤百年則侯之於是役也豈僅以備典故已乎夫邑之有志猶國之有史鑒已往垂將來蓋勸戒之理存而裁成輔相之道亦由之以出是治典



教典合爲一書殆不特爲一方一時計而直爲天下後世計也既詳而可考亦信而有徵於以上誌昭代一道同風之盛而下開來哲因地制宜之休非甚盛舉哉志之成也家仲秀子襄助之力居多然非侯之虛懷集思不及此因併及之是爲序

原序

孫世昌

興安爲古弋陽橫峯之陶地建邑纔百有二十年予披閱圖志東西廣七十里南北倍之亦古所稱次國地方也子輿氏謂滕地褊小可爲善國春秋時國小而偏者莫如鄭

### 興安縣志

卷一

原序

十一

而子產爲政能使都鄙有章上下有服田有封洫廬井有伍鑄刑書存鄉校寬猛相濟輿人誦興由此觀之地無小大亦視其治之者何如耳信之興邑亦猶春秋之鄭戰國時之滕也往之牧斯土者無論已邇來劉令當凋敝之後能寓撫字於催科遽蒙優擢以去得非邑小易治之效乎今胡令蒞任未幾適會我

朝纂修大一統志令郡縣皆繪圖以進興安雖彈丸地亦得附呈以備採擇此胡令所爲汲汲增修而不敢後時者也志成問序於予予閱其巨細畢載開卷洞然竊嘆胡令之



敏而詳詳而慎也然予因是而更有慨焉興安之民非盡  
橫峯之陶民固上七兩縣所分之編氓有分土無分民有  
分民無分治何以分隸興邑之百姓率多醜良興邑之風  
俗率多樸愿豈非賢有司倡導於上而潛移默奪而不自  
知乎昔興人之誦公孫僑曰我有子弟子產誨之我有田  
疇子產殖之斯語也予知興民殆將爲胡公誦矣誰謂牛  
刀割鷄之莞獨在武城之絃歌哉予則傾耳以聽康熙二  
十二年癸亥

原序

胡裕世

# 興安縣志

卷一

原序

十一

癸亥孟秋予奉

命蒞宰興安俯覽荒城僅五十餘家其鄉堡村落皆灌莽  
極目空存二十二里之名舉天下之僻陋褊小未有逾於  
茲邑者邑建於有明嘉靖年間舊志無從稽攷於康熙十  
二年遵

旨纂修前令劉儀寵領其事凡於邑乘所宜記者條載亦其備  
矣今

聖天子威靈遠播廓清四海爰

敕守土臣重紀方輿形勝務覈且詳以昭車書一統之盛予因



進父老子弟而詢之自甲寅來逆黨煽亂蒞斯土者或身殉城社而矢死靡他捍斯圉者或志存敵愾而激烈不回者得無有耶抑或志士仁人甘鼎鑊之如飴不惜殞首以成仁貞女烈婦誓冰壺以同潔不惜捐軀以完節者得無有耶且賦役屢荷

恩詔其亦如洛陽萬戶實被洪澤以沐

皇仁之浩蕩者有之乎戶冊煩奉

諭旨著令實編其或丁口消耗不敢僞增以邀

上賞者有之乎扣踐土食毛投地賦產雖瘠里蕭條未獲

### 興安縣志

#### 卷一 原序

十三

如椀幹栝栢竹箭金錫之饒然一絲一粟遷其地而弗能以爲良也至於官師兵衛之裁建城郭宮室之存圯邊隘控扼之更仍幽明典禮之增損與夫藝文科貢風景人物之華樸水旱災祥神鬼仙釋之有無則幾經滄桑之變渝而猶宜悉載於是不憚搜羅遍訪輿論屬學博廖如珮參閱焉且於前志畧者補之繁者刪之俾先後庶無缺畧歟

原序

孔鵬

興安邑志修於康熙十有二年前令劉君儀寵迨二十二年纂修天下一統志興雖褊小亦得編次呈覽時宰胡君



裕世因而增修凡天文地理以及人物藝文莫不巨細畢載後因延燬計頁一百六十有奇志闕有間矣於是捐俸集匠災棗梨而剗剔之燬者以復闕者以補前志所有者補綴無遺俾採風問俗者班班可攷庶幾無廢前人作者之志而余之汲汲以求無闕者斯志應亦見諒於後之君子焉康熙丁酉知縣孔鵬序

原序

連 柱

興安爲古陶地山勢阻險蹊逕僻隘陶氏嘗據險茲擾明嘉靖間始割上弋都鄙而建邑焉地雖僻而土田原隰頗

# 興安縣志

卷一 原序

十四

稱膏腴葛源霞坊諸村煙火相望橫峯赭亭諸勝巖峩稱奇建置二百餘年駸駸乎風斯美矣邑舊志無存

國朝康熙十二年知縣劉儀龍初訂成集歲癸亥知縣胡裕世復增修焉越一載板片遭火燬焚幾半至今又百餘年矣夫以二百餘年之縣至百餘年而志始修百餘年之志又待百餘年之後而再修此興志之所宜亟亟也按原序邑之僻陋特甚然余嘗往來其境見夫山川疆域昔所謂荆棘蒼煙今則青螺環列矣城郭室廬昔所謂斷瓦頽垣今則女牆畫棟矣津梁驛路昔所謂客旅淒涼今則車馬絡



釋矣黌宮書院昔所謂茂草荒蕪今則絃誦滿耳矣笙歌  
永又不聞鼯鼠之啾輪載滿途不識化僞之苦是皆我  
國家太和翔洽百有餘年以來道一風同故雖一邑其繁盛  
有如此也夫分弋之半割上之半畫井分疆依然方六七  
十如五六十任土作貢安見非邦司民牧者信能留心撫  
字加意作人將戶口殷富而學校易舉矣學校振興而人  
材益奮矣不幾斐然稱名邑乎是志與郡志及六邑志一  
時合局同修至是告成因追其昔日之簡畧而快其今日  
之美備與六邑齊觀有如此者乾隆四十九年閏三月既

興安縣志

卷一

原序

十五

望

原序

雷汾清

有不易之教化無不變之風俗故欲風俗醇美必先教化  
有方教化之責在於守土之賢自古循良奏績凡山川城  
郭社稷民人以及土田物產莫不一一就理由是風移俗  
易百姓日用而不知武城單父此道也召父杜母亦此道  
此固不以地之大小異也興邑建自明季迄今已二百餘  
年余自癸卯春來蒞斯土見夫彈丸斗邑雖一切簡約然  
山之秀巖之幽林木之青葱川澤陂池之滋灌闔四境如



圖書問有游惰之民曰無之間有不耕之地曰無之間有  
強梗不率之徒曰無之疆域雖狹而桑蔴掩映一櫛比之  
象賦稅雖虧而丁口日益一富庶之形人情樸茂景物完  
醕何道之隆也邑舊有志其所載分縣之初荒陋極矣自  
我

朝定鼎以來德澤汪洋無遠不屆卽山陬僻壤莫不食太平  
之福兼以賢守令前後督率勸課匪朝伊夕故雖蕞爾興  
安亦得與同郡六邑壤錯而稱盛焉所謂教化興而後風  
俗厚不信然歟余方懼無以仰承德意而我太守連適有

### 興安縣志

卷一

原序

十六

纂修郡邑志乘之舉良法美意其見諸成效者已足光  
冊而垂不朽也今興志踵郡志而竣事典冊焜煌用敢敬  
書數語以紀其盛至於志之盡善及爲序所以詳者概不  
復贅云乾隆四十九年孟夏上浣

原序

余成彪

壬午春彪奉各憲檄令續修縣志送省局纂辦通志並願  
修志採訪章程格式一本彪因延集邑中紳士商籌經費  
彪首倡捐廉至八月始行設局分修彪計自嘉慶十六年  
任興安縣事迄今十有二年於弋陽水次重建漕倉於縣



城重修 關帝城隍二廟 文廟係嘉慶十二年撤修彪

又聿觀厥成均各有記以紀其事伏念彪歷任興邑多年

其民風土習山川都鄙以及沿革選舉人物各事宜靡不

究悉今修邑志彪固樂倡捐而邑中人士亦無不踴躍樂

輸乃事功未半至冬月彪遽嬰重病展轉床褥難冀就痊

於是引退豈命也歟伏望後之博物君子逐類而續成之

不獨增光興邑即彪賫志以沒亦無遺恨矣是為序道光

二年十二月穀旦

原序

申 佑

興安縣志

卷一 原序

十七

佑 自京職奉

命調授興安令癸未季夏抵任時值重修縣志將屆告成係

前任余公任內奉 大憲飭修并頒發修志格式一本因

屬署司諭饒公名元英者悉心覈實總期矢公矢慎無濫

無遺今於甲申仲冬始行蕝事佑細加披閱刪改得宜條

目井然足昭一邑之文獻而符公論邑紳人士固請循序

爰綴數語以附簡端云道光四年仲冬上澣



跋

興安縣志舊跋

國朝 李仲顥

李子仲顥守漢之明年同學孝廉鄭君大雅不遠數千里致予書曰邑侯劉君於客冬受命蒞茲土見荒殘狀唏噓大息者久之繼而慨然念曰

國家太平三十餘年而此一塊荒殘土尙置荆莽間恐非我皇上輯甯海宇至意也於是勵精圖治不敢荒甯將疇昔一切秕政革除殆盡每單騎歷郊問民疾苦猶父母視子痛痒饑寒無不周以悉詳且盡者且布衣脫粟以勤儉先圃畦

興安縣志

卷一 跋

十八

之屬手自樹植不以絲粟勞民民乃幸有甯宇呼號者樂奔命者息散而之四方者歸宛然化國之日稱樂土矣公餘猶日進父老者舊志問縣所由建曰是何闕畧至此乎遂毅然以千秋事自命適奉憲檄修纂乃簡邑之有文譽者日夕商訂務傳可信編輯成書視舊稍加詳焉予小子自慚謏陋獲與同事茲幸告成將付梓願得一言爲重予載拜稽首以復鄭君曰爲令難爲興令彌難何劉侯任事之勇而成事之速乎我興疲乏十倍他邑用慈則失柔而忘玩之心生用威則失猛而趨避之念作故徃徃命茲土



者非無痼瘕乃身之意求其寬嚴得宜能登斯民於衽席者蓋不多觀矣何劉侯來政未及朞遂使頽尾如燬之衆皆獲有室家且以緒餘纂修邑乘爲千秋不朽事哉揆厥所由蓋以實心行實政不事矯飾不立名譽視邑如家視邑人如子故能治棼絲而不亂解全牛而騷然也昔司馬君實人物爲一代冠冕只是脚跟踏着實地張益州勛名彪炳天壤無過於慷慨有大畧以侯之政事概侯之生平豈與司馬益州有歉乎哉至若志之歟項侯言之詳矣奚

容贊

興安縣志

卷一

跋

十九





興安縣志卷一

凡例

一興志至今凡八脩創始於前明劉侯一貫繼脩於

國初劉侯儀寵皆存其序而亡其書厥後胡侯裕世傷於繁孔侯鵬因其板燬已半而再刻之且續之劉侯夢魁又續其尾故胡孔劉三志合爲一書今統謂之孔志後又有雷志則傷於簡惟申志經前任余侯伯岩鄒學博曉江邑明經洪雨甘三人手訂旋余侯卒於任申侯佑繼之盡委其事於饒學博元英庶得中焉今申以前皆概稱前志申則稱

興安縣志

卷一

凡例

申志

一繕書行款抬頭書手生疎每易錯誤今定卷首一行書某郡縣志頂格寫次行標題低一格寫分類小目低二格寫第三行小序并按語及所附詩文俱低二格寫標舉時代漢唐宋元明低一格寫

國朝頂格至本文謹遵

欽定四庫全書之例俱頂格寫其應單抬雙抬者另提一行不必出格前代名人文集具有定式非可以奏疏書啓之例拘也至雙行小註有爲尺幅所限不能另提者遇單抬空



一字雙抬空二字此亦四庫館定式志中附入詩文及按語概低二格既可抬頭不必與本文一例覽者詳之一申志抄錄舊文有於一篇之中抄數行合數篇爲一篇者今無原文可核故刪之

一志乘體例期於斟酌盡善此次纂脩悉遵上憲頒發格式分門別類有因所當因者如各都水利均照舊志概不加增所以隱杜爭端也有革所當革者如舊志另分形勝一條今併歸山川之內倉儲向列公署漕運向附田賦今別爲一類所以各從義例也有增所當增者如興邑設立

## 興安縣志

### 卷一

凡例

常平倉舊志漏未曾載今增入之舊志職官止載文秩而不及武弁今並列之皆所以補闕畧而存名義也有詳所當詳者如弋陽之漕倉祇載明季始建

國朝重修而其基址之旣失而復還並未詳敘今備志巔末俾後人咸知故物重還之有自來也

一碑銘序記舊志均列入藝文遇事查考多費緝閱今仍照雷志款式附於各類之後如文廟藝文則附文廟岑山藝文則附岑山因其事以覽其文庶幾原原本本開卷了然其無類可附者仍列藝文之內



一戴文端公

國朝之名宰相也雖籍隸大庾而實生長興安舊志寓賢內何獨遺漏今特爲補入亦足增興邑志乘之光與

一舊志塘汛列入驛鹽之內體例似覺雜亂今更正之改歸兵制不敢襲謬仍訛以蹈叢勝之弊

一舊志無經籍金石二條此次奉 憲諭採訪增補興邑地僻人遐屢遭兵燹前人著述多失其傳無從蒐討金石文字所存無幾然斷句遺文亦可採之以備一格

一申志舊板已失數頁其人物事實無從蒐考識者諒之

興安縣志

卷一

凡例



興安縣城圖

興安縣志

卷一


圖



繪圖



都鄙圖






興安縣志

卷一

圖

三



北至饒州德興界

崇山關

十七都

都六

都九

都七

都六

龍潭汎

都五

八都

都九十五

西至陽界

興安縣

都十

三都


都四下

都二十

都十上

南至鉛山界





興安縣志

卷一

圖

四

上 余國賓繪

汝 朱瑞祥刊

撫 王金定興刷